



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მრევლიშვილი მაყვალა ალექსანდრეს ასული



მ. ა. მრევლიშვილი

მრევლიშვილი მაყვალა ალექსანდრეს ასული [14 (27). II. 1909, თბილისი, - 5. IX. 1992, იქვე], პოეტი, შოთა რუსთაველის სახელმწიფო პრემიის ლაურეატი (1973). 1930 დაამთავრა თსუ-ის ფილოლ. ფაკ-ტი. პირველი ლექსი „წერილი აბასთუმნიდან“ გამოაქვეყნა 1927, ხოლო პირველი წიგნი „ლექსები“ - 1940. II მსოფლიო ომის თემამე შექმნა პოემა „ჭირნახული“. საყოველთაო აღიარება მოიპოვა ლექსთა კრებულებმა: „ქართველის უბეში“ (1950), „ლექსები“ (1958), „ჩემი ზეკარი“ (1960), „გულისა“ (1961) და პოემამ „მზისკენ“ (1962). საგულისხმოა მისი ღვაწლი საბავშვო მწერლობის განვითარებაში. ბავშვების საყვარელი ლექსები გახდა „დილა მშვიდობისა“, „ჭეჭილში“, „ჩიტო-ჩიტო“, „კიკლი-კიკლი კიბესა“, „შენ გიგალობ, პატარავ“ და სხვ. პოემები: „ჭანჭიკელა“, „გოგია და ტოლია“, „ბიჭი-ბიჭანჭური“. განსაკუთრებული პოპულარობით სარგებლობდა მისივე გადამუშავებული ზღაპრები: „ირმისა“, „კომბლე“. თარგმნა და გამოსცა ლიტ. ზღაპარი „მზის დამხსნელი“, შარლ დე კოსტერის „ულენშპიგელის ლეგენდა“; ფრანგ. ხალხ. საბავშვო ლექსები „თამაშ-თამაშ“ (1972). 1991 მიენიჭა შიო მღვიმელის სახ. პრემია.

მ-ის პოეზია თარგმნილია რუს., უკრ., ჩეხურ, სლოვაკ. ენებზე. დაკრძალულია მწერალთა და საბ. მოღვაწეთა დიდუბის პანთეონში.

თხზ.: დილა მშვიდობისა, თბ., 1950; კიკლი-კიკლი კიბესა, თბ., 1957; 2022; ბიჭი-ბიჭანჭური, თბ., 1969; დედას ჩიტი, თბ., 1983; საბავშვო ლექსები, თბ., 2014.

ლიტ.: მაყვალა მრევლიშვილი, თბ., 1976.
